



TABANG HALE SA ITAAS

TINIPON NI WATSON GOODMAN

LIBRE — DAI PIG PABAKAL

“TABANG HALE SA ITAAS” Tinipon na magkapuroparehong tataramon na kasuratan manongod sa mga tema na ginudo sa iba-ibang parte kan Biblia. Minatubod ako na an pinakamarahay na comentaryo sa kasuratan iyo an Biblia mismo.

An tataramon nin Dios nag abot “hale sa itaas” asin kinakaipuhan nanggad nin labi-labi kan mga pusong gutom asin paha sa katanusan. Kun an tao nag solsol, binayaan an kasalan, hinahagad sa Kagurangnan Jesu-Cristo na lumaog asin umestar sa saiyang puso, asin rimposon sa bilog niyang puso una an Kagurangnan Jesu-Cristo iyo an paratubos. An Dios magpapamidbid sa iya, mag papaimbod sa iya asin tatawan nin sadiring kaugmahan asin Katoninongan sa saiyang puso. Namatean ko ini kan 1937 asin dai ko na nanggad rinarat ining makangangalas na paki sumaro sa Dios mag poon kaito. Pinipirit ko kamo na magpakumbaba sa Dios asin akoon na an Dios an saindong Paratubos asin siya na an saindong Dios ngonian kung dai pa ini nindo ginigibo.

— Watson Goodman (1920-2002)

AN PAGKAMOOT NIN DIOS

1

Taga-Roma 5:8

Alagad ipinamimidbid nin Dios an saiyang sadiring pagkamoot sa sato, huli ta kan kita magña parakasala pa, si Cristo nagadan dahel sato.

Juan 3:16

Huli ta an Dios namoot na gayo sa kinaban, na itinao nia an saiyang Aking bogtong, tagñaning an siisay man na minatubod sa saiya dai mapahamak, kundi magkaigua nin buhay na dai nin katapusan.

Juan 13:1

Bago kan fiesta nin Pascua, si Jesus nakakaisi na nagdatong na an saiyang oras sa paghale digdi

sa kinaban pasiring sa Ama, sia na namoot sa saiyang magña sa-
diri digdi sa kinaban, sia namoot
sainda sagkod sa katapusan.

Juan 15:13

Dai nin pagkamoot na omorog
pa kaini, na itao nin tauo an sa-
iyang buhay dahel sa saiyang ma-
gña katood.

Kapahayagan 1:5

Patin hale ki Jesu-Cristo, na
iyo an maimbod na saksi, an pa-
gñanay sa magña gadan, asin an
poon nin magña hade sa daga. Sa
saiya na namomoot sato, asin
nagligtas sato sa satong magña
kasalan huli kan saiyang dugo.

2 AN KAMURAWAYAN NI JESU-CRISTO

I Timoteo 3:16

Asin sa dai nin duadua, dakula an tagong-hilom nin kabanaan; Sia na nahayag sa laman, Pinapagkanigo sa espiritu, Nahiling nin magña angel, Ipinaghulit sa magña nacion, Tinubod sa kinaban, Inako sa kamurawayan.

Juan 14:9, 10

Si Jesus nagsabi saiya, Haloy nang panahon na ako nasa saindo, asin dai ka tatao sako, Felipe? an nakahiling sako, nakahiling sa Ama; tadao ta nagsabi ka, Pahiligñan samo an Ama? Dai ka minatubod na ako

nasa Ama, asin an Ama nasa sako? An magña tataramon na isinasabi ko saindo, dai ko ipinagtataram hale sa sako man sana: kundi an Ama na nagdadanay sako nagguiguibo kan saiyang magña guibo.

Juan 1:1, 14

Sa kapinonan iyo an Tataramon, asin an Tataramon nasa kaibahan nin Dios, patin an Tataramon iyo an Dios. . . Asin an Tataramon naguin laman, asin nagerok sa tahao niato (asin nahiling ta an saiyang kamurawayan, kamurawayan na siring kan sa Aking bogtong nin Ama), pano nin biyaya asin katotoohan.

I Juan 4:15

An siisay man na magpahayag na si Jesus iyo an Aki nin Dios, an Dios nagdadanay dian saiya, asin sia sa Dios.

Isaias 9:6

Huli ta sarong omboy na lalaki an ipinagñaki sa satuya, sarong omboy na lalaki an itinao sa satuya; asin ta yaon sa saiyang abaga an gobierno aapodon: asin aapodon an saiyang gñaran na Makagñagñalas, Parahatol, Makosog na Dios, Amang daing katapusan, Principe nin katoninogñan.

Mateo 17:5

Kan nagtataram pa sia, uya, an sarong maliwanag na pagñanoron naglindong sa sainda: asin, uya, an sarong tigñog hale sa pagñanoron, na nagsasabi, Ini iyo an sakong namomotan na Aki, na sa saiya ako naogma; hinaniogon nindo sia.

Lucas 1:35

Asin an ángel nagsimbag asin nagsabi saiya, An Espiritu Santo madatong sa saimo, asin an kapangyarihan nin Kahorohalang-kawe lilindogñan ka: kaya man an banal na ipagñagñaki mo aapodon na Aki nin Dios.

4 SI JESUS NAG PATOTOO KUNG SISAY SIYA

Juan 8:58

Si Jesus nagsabi sainda, Sa katotoohan, sa katotoohan, ako nagsasabi saindo. Dai pa namundag si Abraham, iyo na ako.

Juan 10:7

Si Jesus gñani nagsabi sainda liwat, Sa katotoohan, sa katotoohan, ako nagsasabi saindo, Ako iyo an tata nin magña carnero.

Juan 9:5

Mantang ako nasa kinaban, ako iyo an ilao nin kinaban.

Juan 13:13

Ako inaapod nindo, Paratokdo, asin, Kagurangnan: asin marahay an pagkasabi nindo; huli ta ako iyo mannangad.

Juan 8:23

Asin sia nagsabi sainda, Kamo magña taga ibaba; ako taga itaas: kamo magña taga digdi sa kinaban na ini; ako bakong taga digdi sa kinaban na ini.

Juan 6:35

Si Jesus nagsabi sainda, Ako an tinapay nin buhay: an minadolok sa sako dai magogotom, asin an minatubod sa sako dai na nangad mapapaha.

Juan 11:25

Si Jesus nagsabi saiya, Ako iyo an pagkabuhay liwat, asin an buhay: an minatubod sa sako, minsan magadan, mabubuhay.

MGA MILAGRONG GIBO NI JESUS 5

Mateo 21:19

Asin kan mahiling nia an sarong poon nin higuera sa guilid nin dalan, dinuman nia idto; asin daing nakua sa saiya na anoman kundi magña dahon sana; asin idto sinabihan nia, Magpoon gñunian dai ka na magbugña sagkod noarin man. Asin tolos man an higuera naalang.

Mateo 20:30, 34

Asin uya, an duang buta nakatukao sa guilid nin dalan, kan madagnog ninda na si Jesus nagagui, nagkurahao, na an sabi, Kagurangnan, kaherake kami, ika na aki ni David. . . Asin huling nahero sa pagkaherak, dinotan ni

Jesus an saindang magña mata; asin tolos man inako ninda an saindang pakahiling, asin sinda nagsonod saiya.

Lucas 5:4-6

Asin kan omontok na sia nin pagtaram, sia nagsabi ki Simón, Tulakan pa lawod, asin taktakan an saindong magña hikot. Asin si Simón nagsimbag asin nagsabi, Kagurangnan, nagpagal na kami sa bilog na bangui, asin dai nakakua nin anoman: alagad sa tata-ramon mo itataktak ko an magña hikot. Asin kan maguibo na ninda ini, nakalaom sinda nin dakolon na sira; asin an saindang magña hikot nagguiguisi.

6 SI JESU-CRISTO AN KAGLALANG ASIN KAGURANGNAN

Hebreo 1:2

Dios. . . nagtaram sato sa kahurihuri kan magña aldao na ini dian sa saiyang Aki, na saiyang ibinugtak na paramana kan gabos na bagay, na huli saiya man linalang nia an magña kinaban.

Taga-Colosas 1:16

Ta huli saiya linalang an gabos na bagay na nasa kalagñitan asin nasa daga, magña bagay na nahihiling asin magña dai nahihiling, minsan magña trono ó magña nasasakopan ó magña princi-

pado ó magña kapangyarihan; an gabos na bagay linalang huli saiya, asin manogñod saiya.

Guibo 2:36

Kaya pakatalastason nin tunay kan bilog na harong nin Israel, na an Jesus na ini na ipinako nindo guinibo nin Dios na Kagurangnan asin Cristo.

Taga-Roma 14:9

Ta huli kaini si Cristo nagadan asin nabuhay liwat, tagñaning sia maguin Kagurangnan nin magña gadan asin nin magña nabubuhay.

SI JESU-CRISTO AN HUKOM KAN GABOS 7

Taga-Roma 2:16

Sa aldao na an Dios mahokom kan magña hilom nin magña tauo, sono sa sakong evangelio, huli ki Jesu-Cristo.

II Timoteo 4:1

Ako nagboboot saimo sa atubang nin Dios, asin ni Cristo Jesus, na mahokom kan magña buhay asin magña gadan, asin huli kan saiyang pagdatong asin kan saiyang kahadean.

Taga-Roma 14:10

Alagad ika, tadao ta naghohokom ka sa saimong tugang? ó ika man, tadao ta hinahalean mo nin halaga an saimong tu-

gang? huli ta kita gabos matindog sa atubang kan hokoman nin Dios.

Guibo 10:42

Asin kami pinagbotan nia na maghulit sa magña tauo, asin magpatotoo na ini iyo idtong itinalaga nin Dios na mani Hokom nin magña buhay asin nin magña gadan.

Mateo 25:32

Asin sa atubang nia magkakati-ripon an gabos na nacion: asin pagbubulagbulagon nia sinda an saro sa saro, siring kan pagbulagbulag nin pastor kan magña carnero sa magña kanding.

8 AN KALIGTASAN KI CRISTO SANA

Guibo 4:12

Asin sa iba pa mayo nin kaligtasan: huli ta dai na nin ibang gñaran sa irarom nin lagñit, na itinao sa magña tauo, na sukat makaligtas sato.

Hebreo 7:25

Kaya man sia makakaligtas sagkod sa katapusan kan magña minadolok sa Dios huli saiya, huling sia danay na buhay sa pag-sorog sainda.

Juan 10:9

Ako iyo an tata; kun an siisay man lumaog huli sako, sia makakaligtas, asin makakalaog, asin makakaluas, patin makakakua nin sabsabon.

Juan 14:6

Si Jesus nagsabi saiya, Ako iyo an dalan, asin an katotoohan, patin an buhay: dai nin siisay na makakadolok sa Ama, kun bakong huli sako.

Hebreo 5:9

Asin pakasangkapa, sia naguin kagguibo kan dai nin katapusan na kaligtasan sa gabos na nagkuyog saiya.

Juan 8:24

Kaya ako nagsabi saindo, na kamo magkakagaradan sa saindong magña kasalan: huli ta kun dai kamo magturubod na ako iyo sia, magkakagaradan kamo sa saindong magña kasalan.

AN KALIGTASAN KI CRISTO SANA

9

Lucas 19:10

Huli ta an Aki nin tauo napa-
digdi sa paghanap asin sa pag-
ligtas kan nalagalag.

Tito 2:14

Na tominao sa saiya man sana
manogñod sato, tagñaning sia
makaligtas sato sa gabos na kara-
tan, asin makalinig manogñod
sa saiya man sana nin sarong
banuaan na maguin saiyang sa-
diri, maigot sa magña marahay
na guibo.

Taga-Colosas 1:12-14

Na nagpapasalamat sa Ama na
nagpakanigo sato na makadamay
sa pamana kan magña banal sa
kaliwanagan; na sia an nagligtas

sato hale sa kapangyarihan nin
kadikloman, asin nagdara sato
sa kahadean kan Aki nin saiyang
pagkamoot; na dian sa saiya
igua kita kan satong katubosan,
an kapatawadan kan satong
magña kasalan.

Kapahayagan 5:9

Asin sinda nagaawit nin ba-
gong awit, na an sabi, Agñay ka
na kumua kan libro, asin na bu-
muka kan magña tanda kaiyan:
huli ta ika guinadan, asin bomi-
nakal manogñod sa Dios huli
kan saimong dugo kan gabos na
tribu, asin tataramon, asin ba-
nuaan, patin nacion.

10 AN KAHALAGAHAN KAN DUGO NI CRISTO

Mateo 26:28

Huli ta ini iyo an dugo ko kan tipan, na pinapabolos manogñod sa dakol, sa kapatawadan nin magña kasalan.

Taga-Roma 5:9

Kaya orog pa, huling pinakangmatanos na sa saiyang dugo, kita makakaligtas sa kaangotan nin Dios huli saiya.

Taga-Efeso 1:7

Na dian sa saiya igua kita kan satong katubosan huli kan saiyang dugo, kan kapatawadan kan satong magña kalapasan, sono sa magña kayamanan kan saiyang biyaya.

I Juan 1:7

Alagad kun kita naglalakao sa kaliwanagan, siring na sia nasa kaliwanagan, kita igua nin pakisumaro an saro sa iba, asin an dugo ni Jesus na saiyang Aki naglilinig sato sa gabos na kasalan.

I Pedro 1:18, 19

Sa pakaaram na kamo tinubos sa saindong hamak na pamumuhay na inako nindo sa saindong magña kaganak, bako kan magña bagay na matutunawon, kan pirak ó bulawan; kundi kan dugong mahalaga ni Cristo, siring sa sarong cordero na dai nin kainingan asin dai nin digta.

AN KALIGTASAN DAHIL SA PAGSARIG KI CRISTO 11

Taga-Roma 5:1

Kaya huling pinakangmatanos huli sa pagtubod, kita may katoninogñan sa Dios huli sa satong Kagurangnan na si Jesu-Cristo.

I Juan 5:4

Huli ta an anoman na ipinañaki nin Dios nakakadaog kan kinaban: asin ini iyo an kapanaganahan na nakakadaog kan kinaban, an satong pagtubod.

Juan 6:28, 29

Sinda gñani nagsarabi saiya, Ano an kaipuhan na guibohon mi, tagñaning magguibo kami kan magña guibo nin Dios? Si Jesus nagsimbag asin nagsabi sainda,

Ini iyo an guibo nin Dios, na magturubod kamo sa saiya na sinogo nia.

Taga-Efeso 2:8, 9

Ta huli sa biyaya kamo nakaligtas huli sa pagtubod; asin iyan bakong hale sa saindo, kundi balaog nin Dios; bakong huli sa magña guibo, tagñaning dai nin siisay man na managsag.

Juan 20:31

Alagad an magña ini nasusurat, tagñaning magturubod kamo na si Jesus iyo an Cristo, an Aki nin Dios; asin tagñaning sa pagtubod na iyan magkaigua kamo nin buhay sa saiyang gñaran.

Salmo 108:4

Huli ta orog kadakula sa kalagñitan an saimong pagkaherak, asin hangan sa kalagñitan an saimong katotoohan.

Tito 3:5

Ilinigtas nia kita bakong huli sa magña guibo sa katanosan na satong guinibo, kundi siring sa saiyang pagkaherak, huli kan paghugas nin pagkamundag liwat asin kan pagbago nin Espiritu Santo.

Miqueas 7:18

Siisay an Dios na siring saimo, na ipinagpapatauad mo an karantan, asin pinagliligñauan mo an kasalan kan natada sa saiyang

pamana? Dai nia pinagtago sagkod noarin paman an saiyang kagñirhatan, huli ta mamomoton sia sa pagkaherak.

Salmo 103:11

Huli ta siring sa kahalangkauan nin kalagñitan sa ibabao nin daga, pinadakula si saiyang pagkaherak sa magña natatakot sa saiya.

Lamentacion 3:22, 23

Huli kan pagkaherak ni Jehova dai kita pinoho, huli ta dai pa man nagina an saiyang magña pagkaherak. Lambang aga magña bago na naman; dakula an saimong kaimbodan

Kapahayagan 22:17

Asin an Espiritu asin an novia nagsasabi, Madia. Asin an naka-kadagñog, sumabi sia, Madia. Asin an napapaha, dumolok sia: an boot, ominom kan tubig nin buhay na daing bayad.

Juan 7:37

Asin kan huring aldao, na dakulang aldao kan fiesta, si Jesus nagtindog, asin nagkurahao, na an sabi, Kun an siisay man napapaha, pumadigdi sia sa sako, asin ominom.

Isaias 55:1

Oy, an gabos na napapaha, dolok kamo sa magña tubig; asin an magña mayong pirak, madia,

bakal, asin kakan kamo. Madia, bakal kamo, na mayong bayad asin mayong halaga, nin arak saka gatas.

Mateo 11:28

Madia kamo sa sako gabos na nagpapagal asin nagagabatan, asin tatawan ko kamo nin pahigñalo.

Isaias 1:18

Madia kamo gñonian, sabi ni Jehova, asin ta maghuhusay kita: kun an saindong magña kasalan maguin mapula, papapution iyan nin garo an ambon; kun mapulang garo an karmesi, iyan maguiguin garo an lana.

14 BAKONG AN GABOS NA TAO AKI NIN DIOS

Taga-Roma 8:14, 15

Huli ta an gabos na pinapasonod kan Espiritu nin Dios, iyo an magña aki nin Dios. Huli ta kamo dai nagako liwat kan espiritu nin kaoripnan na masa katakotan; kundi kamo nagako kan espiritu nin pagpaniakia, na huli kaiyan kita nagaapod, Abba, Ama.

II Taga-Corinto 6:17, 18

Kaya, Humale kamo sa tagña ninda, asin bumulag kamo, sabi nin Kagurangnan, Asin dai kamo dumoot sa marupit na bagay; Asin aakoon ko kamo, Asin ako manini saindong Ama, Asin kamo sa sako manini magña aking

lalaki asin magña aking babae, sabi nin Kagurangnan na Mapangyari sa gabos.

Taga-Filipos 2:15

Tagñaning kamo maguin magña daing kasagüean, asin magña mahoyo, magña aki nin Dios, na dai nin kaninan sa tahao nin sarong biko asin sutil na kapagarakan, na sa tahao ninda kamo nahihiling siring sa magña ilao sa kinaban.

Juan 1:12

Alagad an gabos na nagarako saiya, tinawan nia nin kapanгыarihan na maguin magña aki nin Dios, sinda na magña nagtutubod sa saiyang gñaran.

MGA TATARAMON NIN DIOS MANONGOD SA ARAK 15

Talinhaga 23:31, 32

Dai ka maghiling sa arak kun nagpupula, kun nagkikintab an saiyang kolor dian sa vaso: minalaog ning luayluay sana; tara sa kahurihurihi matuka siring sa halas, asin matao nin kolog na garo mararang halas.

Taga-Galacia 5:19-21

Gñunian, hayag an magña guibo nin laman, na iyo: an pagsambay, karompotan, karigsokan, pagsamba sa ladawan, hoklob, kamorondoan, iriwal, magña pagñimon, magña kaangotan, pagsuruhay, pagkabaragna, pagkara-laenlaen, magña kaurihan, magña pagburat, magña kapasloan,

asin an magña kabaing kaiyan; na kaiyan kamo pinapatanidan ko, siring sa pagpatanid ko saindo kaidto, na an magña nagguiguibo kan magña bagay na iyan dai magmamana kan kahadean nin Dios.

Taga-Roma 13:13, 14

Maglakao kita nin agñay na siring бага sa aldao; bakong sa kasigñawan asin sa pagburat, bakong sa maraot na horot asin sa karigsokan, bakong sa pakiiwal asin sa pagñimon. Kundi isolog nindo an Kagurangnan na si Jesu-Cristo, asin dai kamo magandam manogñod sa laman sa pagsonod kan magña horot kaiyan.

Marcos 10:17-22

Asin kan pagluas nia pasiring sa dalan, may nagdalagan sa saiya, asin sa paglohod, naghapot saiya, Marahay na Paratokdo, ano an guiguibohon ko tagñaning magmana ako kan buhay na daing katapusan? Asin si Jesus nagsabi saiya, Tadao ta inaapod mo akong marahay? mayong marahay kundi saro, an Dios. Tatao ka kan magña togon, Dai ka maggadan, Dai ka magsambay, Dai ka maghabon, Dai ka mag-saksi nin putik, Dai ka magdaya, Galagñan mo an saimong ama asin ina. Asin sia nagsabi saiya, Paratokdo, ini gabos na bagay

pinagigñatan ko poon na aki pa ako. Asin si Jesus, sa pagtorohok saiya, namoot saiya, asin nagsabi saiya, Sarong bagay an nagkukulang saimo: lakao, pabakalan an gabos mong sadiri, asin tawan sa magña dukha, asin magka-kaigua ka nin kayamanan sa lagñit: asin madia, sumonod ka sako. Alagad an saiyang lalauogon naraot kan tataramon, asin naghale sia na mamondo: huli ta sia igua nin darakulang sadiri.

Talinhaga 16:25

Iguang dalan na garo matanos sa tauo, tara an saiyang luasan magña dalan nin kagadanan.

Santiago 1:22

Alagad magui kamong magña paraguibo kan tataramon, asin bako sanang magña paradagñog na nagdadaya sa saindo man sana.

I Taga-Corinto 6:9, 10

Ó dai kamo nakakaaram na an bakong matanos dai magma-mana kan kahadean nin Dios? Dai kamo madayaan: minsan an magña parapakisaro, ni an magña parasamba sa ladawan, ni an magña parasambay, ni an magña binabae, ni an magña nagdodorog sa kapua lalaki, ni an magña mahabon, ni an magña maaraon, ni an magña paraburat,

ni an magña paramuda, ni an magña maagao, dai magmamana kan kahadean nin Dios.

I Juan 3:7, 8a

Magña saradit kong aki, dai kamo magpalagalag sa kiisay man: an nagguiguibo nin katanosan matanos, siring na sia matanos: an nagguiguibo nin kasalan, sa diablo; huli ta an diablo nagkakasala magpoon pa sa kapinonan.

Taga-Galacia 6:3

Huli ta kun an siisay man naghohona na sia may halaga, kun sia bakong anoman, sia nagdadaya sa saiya man sana.

18 AN KASALAN NAGDADARANG KAGADANAN

Taga-Roma 5:12

Kaya siring na huli sa sarong tauo an kasalan lominaog sa kinaban, asin an kagadanan huli sa kasalan; asin sa siring an kagadanan nakalakop sa gabos na tauo, huli ta an gabos nagkasala.

Santiago 1:15

Dagñan an horot kun nagñidam na, nagñagñaki nin kasalan: asin an kasalan kun dakula na, nagñagñaki nin kagadanan.

Ezequiel 18:20

An kalag na magkasala, iyan magagadan: an aki bakong kadamay kan kasalan kan ama, min-

san an ama dai man kadamay kan kasalan kan aki: an kabanal kan banal mapapasaiya asin an karatan kan maraot mapapasaiya.

Lucas 15:32

Alagad maninigo na magfiesta asin magogma kita: huli ta an tugang mong ini gadan na, asin ta nabuhay liwat; nawara sia, asin nakua.

Talinhaga 11:19

Siring kan kabanalan na pasiring sa kabuhayan, siring man sana an nagsosonod kan karatan pasiring sa saiyang kagadanan.

TINALO NI CRISTO AN KAGADANAN 19

I Taga-Corito 15:3, 4

Huli ta enot sa gabos, itinao ko sa saindo an sako man na inako; na si Cristo nagadan huli sa sating magña kasalan, siring sa magña kasuratan; asin na sia ilinobong; asin na sia binuhay liwat sa ikatolong aldao, siring sa magña kasuratan.

Kapahayagan 1:18

Asin an Nabubuhay; asin ako kaidto nagadan, asin uya, ako nabubuhay sagkod lamang, asin ako igua kan magña llave nin kagadanan asin nin Hades.

Juan 10:17, 18

Huli kaini an Ama namomoot sako, huli ta itinatao ko an sa-

kong buhay, tagñaning kuaon ko liwat iyan. Dai nin siisay man na makakakua sako kaiyan, kundi ako man sana an minatao kaiyan. Igua akong kapangyarihan sa pagtao kan buhay ko, asin igua akong kapangyarihan sa pagkua kaiyan liwat. An pagboot na ini inako ko sa sakong Ama.

Lucas 7:14, 15a

Asin sia nagrani, asin nagdoon sa kabaong; asin an nagburulig nagorontok. Asin sia nagsabi, Barobata, ako nagsasabi saimo, Bagñon. Asin an gadan nagbagñon asin nagpoon magtaram.

Deuteronomio 5:7-21

Dai ka magkakaigua nin ibang dios sa sakuyang atubagñan.

Dai ka magguibo sa saimo nin tauo-tauo, minsan anoman na ladauan nin anoman na bagay na idtoon sa itaas kan kalagñitan, o sa ibaba sa daga, o sa katubigan man sa irarom kan daga: dai ka magdoko sa sainda dai ka man sainda maglilingkod...

Dai mo pagamiton sa mayo nin kahologan an gñaran ni Jehova na saimong Dios; huli ta dai ibibilang ni Jehova sa mayo nin sala an magamit sa mayo nin kahologan kan saiyang gñaran.

Galagñan mo an aldao nin pagpahigñalo sa pagpakamahal saiya, siring sa ipinagboot saimo ni Jehova na saimong Dios. Anom na aldao kang maguiguibo asin hahamanon mo an saimong guibo: tara an ikapito ipapahigñalo togñod ki Jehova na saimong Dios. . .

Galagñan mo an saimong ama asin an saimong ina, siring sa ipinagboot saimo ni Jehova na saimong Dios. . .

Dai ka maggadan.

Dai ka magsambay.

Dai ka maghabon.

Dai ka magsabi nin putik na

**pagpatotoo na tumang sa sa-
imong kapua.**

**Dai ka maara sa agom nin
magkasi mo tauo, dai mo man
pagmauoton an harong nin mag-
kasi mo tauo, minsan an saiyang**

**daga, minsan an saiyang oripon
na lalaki, minsan an saiyang ori-
pon na babae, minsan an saiyang
vaca, minsan an saiyang asno,
minsan an anoman na bagay na
sadiri nin kapua mo.**

DAI KA MAKAKATAGO SA DIOS

21

Lucas 8:17

**Huli ta daing natatago na dai
mahahayag; ni anoman na hilom,
na dai maisihan asin maliliwa-
nagan.**

Salmo 139:8, 12

**Kun sumakat ako sa kalagñi-
tan, dian yaon ka: kun sa kara-
roman nin bugñao guibohon ko
an sakuyang higdaan, uya, yaon
ka dian. . . Minsan an kadiklo-**

**man dai matatago sa saimo, kun-
di an bangui minaliuwanag siring
sa aldao: iyo man sana sa saimo
an magña kadikloman ki sa li-
wanag.**

Talinhaga 15:3

**An magña mata ni Jehova iya-
on sa gabos na lugar, na nag-
hihiling sa magña maraot saka
sa magña marahay na tauo.**

AN SILOT NA DAING KATAPUSAN SA TAONG MARAOT

Mateo 25:46

Asin an magña ini maduman sa silot na daing katapusan: alagad an magña matanos sa buhay na dai nin katapusan.

II Pedro 3:7

Alagad an kalagñitan gñunian, asin an daga, huli kan iyo man sanang tataramon rinimpos manogñod sa kalayo, na naandam manogñod sa aldao nin paghokom, asin paglaglag kan magña tauong maraot.

Mateo 18:8

Asin kun an saimong kamot ó bitis iyo an makakapasingkod sa-

imo, potola asin tapokan iyan: marahay pa saimo na lumaog sa buhay na pilay ó kimay, ki sa may duang kamot ó duang bitis, na isogba sa kalayo na daing katapusan.

Mateo 13:41, 42

An Aki nin tauo masogo kan saiyang magña angel, asin sinda an mahale sa saiyang kahadean kan gabos na bagay na nakakapasingkog, asin kan magña nagguiguiribo nin karatan, asin masogba sainya sa horno nin kalayo: dian an pagtagñis asin pagragot nin magña gñipon.

Hebreo 9:27

Asin huling ipinanogñod sa magña tauo na magadan nin makasaro, asin pakatapus kaiyan an paghokom.

Guibo 17:31

Nin huli ta sia nagtalaan nin sarong aldao, na sia maghohokom kan kinaban sa katanosan, huli kan lalaki na saiyang itinalaga, na dapit kaiyan sia nagpatotoo sa gabos na tauo sa pagbuhaya nia saiya liwat sa magña gadan.

Kapahayagan 20:12

Asin nahiling ko an magña gadan, an darakula asin an saradit, na nagtitirindog sa atubang kan

trono, asin an magña libro biniriklad: asin saro pang libro biniriklad, na iyo an libro nin buhay: asin hinokoman an magña gadan huli kan magña bagay na nasurat duman sa magña libro, sono sa saindang magña guibo.

I Juan 4:17

Digdi kaini an pagkamoot nasasangkap sa sato, tagñaning kita magkaigua nin kaisogan sa aldao nin paghokom; huli ta kun ano sia, siring man kita sa kinaban na ini.

Taga-Roma 14:12

Kaya an lambang saro sa sato makikipagsaray sa Dios.

Taga-Roma 5:15

Alagad an ugay bakong siring sa kalapasan. Huli ta kun huli sa kalapasan kaidtong saro dakol an nagkagaradan, orog pang lominabi sa dakol na tauo an biyaya nin Dios, asin an ugay huli kan biyaya kan sarong tauo, na si Jesu-Cristo.

I Pedro 5:5b

. . . huli ta tinutumang nin Dios an magña maabhao, asin tinatawan nin biyaya an magña mapakumbaba.

II Taga-Corinto 8:9

Huli ta nakakaaram kamo kan biyaya kan satong Kagurangnan na si Jesu-Cristo, na minsan sia

mayaman, alagad dahel saindo, nagui siang dukha, tagñaning kamo mapayaman sa saiyang kadukhaan.

II Taga-Corinto 9:15

Salamat sa Dios huli kan saiyang balaog na dai masabi.

Guibo 4:33

Asin sa dakulang kapangyarihan, an magña apóstol nagpatotoo dapit kan pagkabuhay liwat nin Kagurangnan na si Jesus: asin an dakulang biyaya nasa sainya gabos.

Taga-Roma 9:16

Kaya iyan bakong sa nagboot, ni sa nagdadalagan, kundi sa Dios na igua nin pagkaherak.

Guibo 3:19

Kaya magsorolsol kamo, asin magbarakle, tagñaning an saindong magña kasalan mapara, na huli kaiyan dumatong an magña panahon nin kaguinhawaan na hale sa atubang nin Kagurangnan.

Guibo 17:30

An panahon gñani nin kaka-blasan pinabayaan nin Dios; alagad gñunian ipinagboboot nia sa magña tauo, na sinda gabos saen man na lugar magsorolsol.

Lucas 13:3

Ako nagsasabi saindo, Bako: alagad kun dai kamo magsorol-

sol, kamo gabos siring man magkakagaradan.

Guibo 2:38

Asin si Pedro nagsabi sainda, Magsorolsol kamo, asin magkaburuniagan an lambang saro sa saindo sa gñaran ni Jesu-Cristo sa kapatawadan kan saindong magña kasalan; asin kamo maako kan balaog nin Espiritu Santo.

II Taga-Corinto 7:10

Huli ta an diosnon na pagmondo nakakapagpasolsol sagkod sa kaligtasan, an pagsolsol na dai pinagbabasolan: alagad an pagmondo na kinabanon nakakagadan.

26 AN PAGPATAWAD KAN MGA KASALAN

Guibo 5:31

Sia ilinangkao nin Dios sa saiyang too na mani Principe asin Paraligtas, sa pagtao sa Israel nin pagsolsol asin pagpatawad nin magña kasalan.

Marcos 2:5

Asin si Jesus, kan mahiling an saindang pagtubod, nagsabi sa lo-pog, Aki, an saimong magña kasalan ipinatawad na.

Isaias 55:7

Pabayaon na kan maraot na ta-uo an saiyang dalan, asin kan maliuag na tauo an saiyang magña kaisipan; asin magbalik na ki Jehova, na sia magkakaigua sa sa-

iya nin pagkaherak, asin sa satuyang Dios, na sia bulaos sa pagpatawad.

Mateo 6:14

Huli ta kun kamo magpatawad sa magña tauo kan saindang magña sala tumang saindo, an saindong Ama na nasa lagñit magpapatawad man saindo.

Kapahayagan 3:20

Uya, ako nagtitindog sa tata asin nagtotoktok: kun an siisay man dumagñog kan sakong tiggñog asin bumukas kan tata, ako malaog dian sa saiya asin makakan sa kaibahan nia, asin sia sa kaibahan ko.

AN PAGBULAG SA KINABANON NA BAGAY 27

Isaias 1:16

Panghugas kamo, paglinig kamo; halea nindo an kaliuagan sa saindong magña guibo sa atubagñan nin sakuyang magña mata; pabayae nindo an pagguibo kan maraot.

Tito 2:11, 12

Huli ta an biyaya nin Dios nagdatong na, na nagdadara nin kaligtasan sa gabos na tauo, nagtotokdo sato sa katuyohan na sa pagbaya sa kabikoan asin sa magña kinabanon na horot, kita mamuhay sa panahon na ini nin mayokod asin matanos patin banal.

Taga-Colosas 3:2

Bugtakan nindo an saindong pagisip sa magña bagay na nasa itaas, bakong sa magña bagay na nasa ibabao nin daga.

I Juan 2:15, 16

Dai kamo mamoot sa kinaban, ni sa magña bagay na nasa kinaban. Kun an siisay man namomoot sa kinaban, an pagkamoot nin Ama dai dian saiya. Huli ta an gabos na nasa kinaban, an horot nin laman asin an horot nin magña mata patin an kapaabaoabawan nin buhay, bakong sa Ama, kundi sa kinaban.

II Taga-Corinto 5:17

Kaya kun an siisay man yaon ki Cristo, sia bagong linalang: an magña daan na bagay napara na; uya, sinda naguin bago.

I Juan 5:18

Kita nakakaaram na an siisay man na ipinagñaki nin Dios dai nagkakasala; alagad an ipinagñaki nin Dios nagiignat sa saiya man sana, asin si Maraot dai minadotdot saiya.

Ezequiel 36:26

Asin tatauan ko kamo nin bagong puso, asin bobogtakan ko nin bagong espiritu dian sa laog nindo; asin hahaleon ko sa sa-

indong laman an pusong gapo, asin tatauan ko kamo nin pusong laman.

Juan 3:3

Si Jesus nagsimbag asin nagsabi saiya, Sa katotoohan, sa katotoohan, ako nagsasabi saimo, Kun an tauo dai mamundag na bago, sia dai makakahiling kan kahadean nin Dios.

I Pedro 1:23

Huling kamo ipinagñaki liwat, bakong sa banhi na matutunawon, kundi sa dai matutunao, huli kan tataramon nin Dios, na nabubuhay asin nagdadanay.

GADAN SA KASALAN — BUHAY KI CRISTO 29

I Pedro 2:24

Na sia man sana nagdara kan satong magña kasalan sa saiyang hawak dian sa kahoy, tagñaning kita, na nagadan manogñod sa magña kasalan, mabuhay manogñod sa katanosan; na huli kan saiyang magña labod kamo nagkaoromayan.

Taga-Efeso 2:1, 6

Asin kamo binuhay nia kan kamo garadan pa huli kan saindong magña kalapasan asin kasalan. . . asin binagñon nia kita liwat sa kaibahan nia, asin pinatukao sa kaibahan nia sa ma-

gña lagñitnon na kamugtakan, dian ki Cristo Jesus.

Taga-Colosas 3:1

Kaya kun kamo nabuhay liwat sa kaibahan ni Cristo, hanapa nindo an magña bagay na nasa itaas, na dian si Cristo, nagtukao sa too nin Dios.

Taga-Roma 6:2, 11

Kita na magña gadan dapit sa kasalan, paanong mamuhay pa kita dian? . . . Siring man ibilang nindo na kamo man magña gadan dapit sa kasalan, alagad magña buhay dapit sa Dios dian ki Cristo Jesus.

Juan 3:14, 15

Asin siring kan halas na ini-taas ni Moisés sa patag, siring man an Aki nin tauo kaipuhan na iitaas; tagñaning an süsay man na minatubod magkaigua sa saiya nin buhay na dai nin katapusan.

Taga-Roma 6:23

Huli ta an bayad nin kasalan iyo an kagadanan; alagad an ugay nin Dios iyo an buhay na dai nin katapusan dian ki Cristo Jesus na satong Kagurangnan.

Juan 17:3

Asin ini iyo an buhay na dai nin katapusan, na sinda makamidbid saimo, na ika sana an tu-

nay na Dios, asin ki Jesu-Cristo na saimong sinogo.

Juan 3:36

An minatubod sa Aki igua nin buhay na dai nin katapusan; alagad an dai minakuyog sa Aki dai makakahiling nin buhay, kundi an kaangotan nin Dios nagdadanay saiya.

Juan 5:24

Sa katotoohan, sa katotoohan, ako nagsasabi saindo, An minadagñog kan sakong tataramon, asin minatubod kaidtong nagso-go sako, igua nin buhay na dai nin katapusan, asin dai na sisi-lotan, kundi sia nakahale na sa kagadanan pasiring sa buhay.

Taga-Galacia 4:6

Asin huling kamo magña aki, isinobol nin Dios an Espiritu kan saiya Aki sa satong magña puso, na nagkukurahao, Abba, Ama.

Juan 14:21

An igua kan sakong magña togon asin minaotob kaiyan, iyo an namomoot sako: asin an namomoot sako mamomotan kan sakong Ama, asin ako mamomoot saiya, asin ipapahayag ko ako saiya.

I Juan 3:18, 19

Magña saradit kong aki, dai kita mamoot sa tataramon, ni sa dila; kundi sa guibo asin sa ka-

totoohan. Digdi kaini kita maka-kaaram na kita nasa katotoohan, asin mapapasarig ta an satong puso sa atubang nia.

Isaias 32:17

Asin an bugña kan katanosan, an katoninogñan; asin an bugña kan katanosan kapahigñaloan asin panarig sagkod noarin pa man.

I Juan 4:13

Digdi kaini kita nakakaaram na kita nagdadanay sa saiya asin sia sa sato, huli ta kita tinawan nia kan saiya Espiritu.

Taga-Roma 8:16

An Espiritu man sana nagpatotoo kaiba kan satong espi-ritu na kita magña aki nin Dios.

32 AN CRISTO SA PUSO NAGTATAO NIN SANGKAP NA KAUGMAHAN

Juan 17:13

Alagad gñunian ako madian sa saimo; asin an magña bagay na ini itinaram ko digdi sa kinaban, tagñaning masangkap dian saina an sakong kaogmahan.

Taga-Roma 14:17

Huli ta an kahadean nin Dios bakong pagkakan asin paginom, kundi katanosan asin katoningñan patin kaogmahan dian sa Espiritu Santo.

Taga-Galacia 2:20

Ako ipinako sa cruz kadamay ni Cristo; asin bako na ako an nabubuhay, kundi si Cristo an nabubuhay sa sako: asin an bu-

hay na ipinamumuhay ko gñunian sa laman, ipinamumuhay ko sa pagtubod na yaon sa Aki nin Dios, na namoot sako, asin ominatang sa saiya man sana huli sako.

Isaias 12:3

Kaya makua kamo nin magña tubig na may kaogmahan sa magña burabod nin kaligtasan.

Salmo 16:11

Itotokdo mo sa sakuya an dalan nin buhay: an kapanoan nin magña kaogmahan matatala dian sa saimong atubang; an magña kagayagayahan dian sa too mo sagkod lamang.

KAIPUHAN MAG MAIMBUD SA KAGURANGNAN 33

II Taga-Tesalonica 1:7-9

Asin kamo, na pinagsasakit, tawan nin kapahigñaloan sa kabahan mi, sa pagtugña kan Kagurangnan na si Jesus hale sa lagñit kaiba an magña angel nin saiyang kapangyarihan sa naglalaad na kalayo, na magtatao nin balos sa magña dai nakakamidbid sa Dios, asin sa magña dai nagkukuyog kan evangelio nin satong Kagurangnan na si Jesus: na sinda magtitios nin silot, an daing katapusan na pagkatunao, na iyo an pakabulag sa lalauogon nin Kagurangnan asin sa kamurawayan nin saiyang kapangyarihan.

Deuteronomio 11:26-28a

Uya digdi ibinobogtak ko sa atubagñan nindo gñonian an pagherot asin an panaragñin. An pagherot, kun magdagñog kamo kan magña togon ni Jehova na saindong Dios, na itinatao ko sa saindo gñonian; asin an panaragñin, kun dai kamo magdagñog kan magña togon ni Jehova na saindong Dios. . .

Taga-Roma 6:16

Dai kamo nakakaaram na kamo magña oripon kan saindong dinodolotan kan saindong buhay sa pagkuyog saiya; kun kan kasalan, sa kagadanan, ó kan pagsonod, sa katanosan?

34 AN PAGBANTOG KI CRISTO KAIPUHAN

Taga-Filipos 2:11

Asin tagñaning an gabos na dila magpatotoo na si Jesu-Cristo iyo an Kagurangnan, manogñod sa kamurawayan nin Dios na Ama.

Mateo 10:32, 33

Kaya an siisay man na magmidbid sako sa atubang nin magña tauo, sia mimidbidon ko man sa atubang nin sakong Ama na nasa lagñit.

Taga-Roma 10:9, 10

Huli ta kun ika magtuga kan saimong gñoso na si Jesus iyo an Kagurangnan asin magtubod sa saimong puso na binagñon sia

nin Dios sa magña gadan, ika maliligtas. Huli ta sa puso an tauo nagtutubod sa katanosan, asin sa gñoso an pagtuga guiniguibo sa kaligtasan.

I Juan 2:23

An siisay man na nagpapainda sa Aki, an siring dai kan Ama: an nagmimidbid sa Aki igua man kan Ama.

Lucas 9:26

Huli ta an siisay man na masopog dapit sako asin kan sakong magña tataramon, sia man ikaka-sopog kan Aki nin tauo, kun pumadigdi na sia sa kamurawayan nia, asin nin Ama, patin nin magña banal na angel.

SATANAS — AN SATONG TUSONG KAIWAL 35

I Pedro 5:8

Magpakamayokod kamo, magpuka kamo: an saindong kaiwal na diablo, siring sa naggña-rob na leon, naglilibot na naghahanap nin masisiba.

Guibo 26:18

Sa pagbuklat kan saindang magña mata, tagñaning sinda magbaralik hale sa kadikloman pasiring sa ilao asin hale sa kapanгыarihan ni Satanás, pasiring sa Dios, tagñaning akoon ninda an kapatawadan nin magña kasalan asin an sarong pamana sa kaibahan kan magña pinakangbanal huli sa pagtubod sa sako.

Taga-Efeso 6:11

Isolog nindo an bilog na pagñalasag nin Dios, tagñaning makatindog kamo tumang sa magña katosohan nin diablo.

Mateo 4:1, 10, 11

Dagñan si Jesus itinukad kan Espiritu sa patag, tagñaning sia mapagsugotan kan diablo. . . Dagñan si Jesus nagsabi saiya, Humale ka Satanás; huli ta nasurat. Ika magsamba sa Kagurangnan na saimong Dios, asin saiya sana maglingkod ka. Dagñan binayaan sia kan diablo; asin uya an magña angel nagdaratong asin nagrilingkod saiya.

36 KAPANGGANAHAN TUMANG KI SATANAS

Santiago 4:7, 8a

Kaya pumasakop kamo sa Dios; alagad tumumang kamo sa diablo, asin sia madulag sa saindo. Rumanì kamo sa Dios, asin sia marani sa saindo. . .

Hebreo 2:14

Kaya huling an magña aki kadamay sa laman asin sa dugo, sia man sa siring na paagui nakiambit dian kaiyan; tagñaning huli sa kagadanan malaglag nia an igua kan kapangyarihan nin kagadanan, na iyo an diablo.

II Taga-Tesalonica 2:8

Asin dagñan mahahayag an tampalasan, na gagadanon kan Kagurangnan na si Jesus huli

kan hagños nin saiyang gñoso, asin tutunawon huli kan banaag nin saiyang pagdatong.

I Taga-Corinto 10:4

Asin an gabos nagirinom nin saro sanang inomon na espirtual: huli ta sinda nagirinom sa gapong espirtual na nagsonod sainda, asin an gapong idto iyo si Cristo.

Taga-Roma 8:35, 37

Siisay an mabulag sato sa pagkamoot ni Cristo? an kahorasaan, ó an kasakitan, ó an paglamag, ó an pangotom, ó an kahobaan, ó an pagalaman, ó an minasbad? . . . Dai, sa gabos na bagay na ini kami orog pa ki sa magña nandaog huli saiya na namoot samo.

PAGKAMOOT, AN TANDA KAN PAGKA DISCIPULO 37

Taga-Galacia 5:22, 23a

Alagad an bugña kan Espiritu iyo an pagkamoot, kaogmahan, katoninogñan, pakatios, kabotan, karahayan, kaimbodan, kahoyoan kamayokodan. . . .

Juan 21:16

Sia nagsabi saiya liwat sa ikadua, Simon, aki ni Jonás, namomoot ka sako? Sia nagsimbag saiya, Oho, Kagurangnan; ika nakakaisi na ako namomoot saimo. Sia nagsabi saiya, Atamana an sakong magña carnero.

I Taga-Corinto 13:1

Kun ako magtaram sa magña tataramon nin magña tauo asin

nin magña angel, alagad dai nin pagkamoot, ako maguiguin saronong metal na nagtatanog, ó cimbalo na nagdadaguin.

Juan 13:35

Huli kaini kamo mamimidbid kan gabos na kamo magña discipulo ko, kun kamo magkaminorootmootan.

I Juan 4:20

Kun an tauo nagsasabi, Ako namomoot sa Dios, asin naoogñis sa saiyang tugang, sia putikon: huli ta an dai namomoot sa saiyang tugang na saiyang nahiling, dai makakahimo na mamoot sa Dios na dai nia nahiling.

38 AN PAGKABUHAY LIWAT NI JESU-CRISTO

Taga-Roma 4:25

Na sia itinao manogñod kan satong magña katampalasanan, asin binagñon sa pagpakangmatanos sato.

Juan 20:26-28

Asin pakalihis nin walong aldao an saiyang magña discipulo duduman liwat sa laog, asin si Tomás kaiba ninda. Si Jesus nagdatong, mantang pinto an magña tata, asin nagtindog sa tahao, patin nagsabi, Katiwasayan mapa saindo. Dagñan sia nagsabi ki Tomás, Abotan an saimong moro, asin hiligña an sakong magña kamot, asin abotan an saimong kamot, asin laogan sa sakong herog:

asin bakong dai ka magtubod kundi magtubod. Si Tomás nagsimbag asin nagsabi saiya, Kagurangnan ko, asin Dios ko.

Guibo 10:39-41

Asin kami magña saksi kan gabos na bagay na saiyang guinibo sa daga nin magña Judio, asin sa Jerusalem; na sia man guinadan ninda, na binitay sa kahoy. Sia binuhay liwat nin Dios sa ikatolong aldao, asin guinibo nia na sia mahayag, bakong sa gabos na tauo, kundi sa magña saksi na pinili kaidto nin Dios, na iyo kami na nagkarakanan asin nagirinom sa kaibahan nia, pagkabuhay nia liwat sa magña gadan.

AN PAGKABUHAY, LIWAT AN SATONG SUPAY NA PAGLAOM

39

Juan 5:25, 28, 29

Sa katotoohan, sa katotoohan, ako nagsasabi saindo, An oras madatong, asin gñunian iyo na, na an magña gadan makakadagñog kan tigñog kan Aki nin Dios; asin an magña makakadagñog magkakaburuhay. . . Dai kamo maggñalas kaini: huli ta an oras madatong na an gabos na nasa lolobgñan makakadagñog kan saiyang tigñog, asin magruruluas; an magña nagguiribo nin marahay, magbuburuhat liwat sa buhay, asin an magña nagguiribo nin maraot, sa silot.

Taga-Roma 6:3-5

Ó dai kamo nakakasabot na kita gabos na nagkaburuniagan dian ki Cristo Jesus nagkaburuniagan dian sa saiyang pagkagadan? Kaya kita ilinobong sa kaibahan nia huli kan buniag sa kagadanan: tagñaning, siring na si Cristo nabuhay liwat sa magña gadan huli kan kamurawayan nin Ama, siring man kita maglakao sa kabagohan nin buhay. Huli ta kun kita nakasaro saiya sa kabaing kan saiyang pagkagadan, siring man kita sa kabaing kan saiyang pagkabuhay liwat.

I Pedro 1:2

Sono sa dating pakaaram nin Dios na Ama, sa pagpakangbanal kan Espiritu, manogñod sa pagkuyog asin pagwirik kan dugo ni Jesu-Cristo: An biyaya asin an katoninogñan magdakol logod dian sa saindo.

II Taga-Corinto 7:1

Kaya, magña namomotan, huling igua kan magña panugang ini, magpakalinig kita sa gabos na ramog nin laman asin nin espiritu, sa pagpakarahay kan kabanalan dian sa pagkatakot sa Dios.

II Timoteo 2:21

Kaya, kun an siisay man magling sa saiya man sana kan magña bagay na ini, sia maguiguin lalagan manogñod sa kaomawan, pinakangbanal, agñay na gamiton kan Kagurangnan, andam manogñod sa gabos na marahay na guibo.

Lucas 1:74, 75

Na itogot sato na kita, na magña ilinigtas sa kamot kan sating magña kaiwal, Maglingkod saiya na dai nin takot, Sa kabanalan asin katanosan sa atubang nia sa gabos tang magña aldao.

Hebreo 13:12

Huli kaiyan si Jesus man, tagñaning mapakangbanal nia an banuaan huli kan saiyang sadiring dugo, nagtios sa luas kan tata.

I Juan 1:9

Kun kita magboyboy kan satong magña kasalan, sia maimbod asin matanos sa pagpatawad sato kan satong magña kasalan, asin sa paglinig sato sa gabos na kabikoan.

Mateo 3:11

Ako sa katotoohan, nagbubuniag saindo sa tubig nin pagsol-sol: alagad an madigdi sa hudian

ko orog pang mapangyari ki sa sako, na an saiyang magña sapin alagñan akong magdara: sia mabuniag saindo sa Espiritu Santo asin sa kalayo.

Taga-Efeso 4:24

Asin naggubing na kan bagong pagkatauo na linalang sono sa Dios sa katanosan asin sa kabanalan nin katotoohan.

Taga-Efeso 1:4

Siring sa pagkapili nia sato dian sa saiya bago lalagñon an kinaban, tagñaning kita maguin banal asin daing digta sa pagkamoot sa atubang nia.

Guibo 1:8a

Alagad kamo maako nin kapangyarihan kun dumatong na saindo an Espiritu Santo: asin kamo manini magña saksi ko digdi. . .

Taga-Roma 8:9

Alagad kamo dai nasa laman, kundi nasa Espiritu, kun totoo na an Espiritu nin Dios nageerok sa saindo. Alagad kun an siisay man mayo kan Espiritu ni Cristo, sia bakong sadiri nia.

Ezequiel 36:27

Asin ibobogtak ko dian sa laog nindo an sakuyang espiritu, asin guiguibohon kong maglakao kamo sa sakuyang magña togon,

asin pagotobon nindo an sakuyang magña katanosan, asin ibogtak nindo iyan sa guibo.

Guibo 4:31

Asin pakapamibi ninda, nata-niog an lugar na saindang pinagtitiriponan; asin sinda gabos nagkaparano kan Espiritu Santo, asin sa kaisogan nagtararam kan taramon nin Dios.

Lucas 11:13

Kun kamo gñani, na magña maraot, tataong magtao nin magña marahay na bagay sa saindong magña aki, gurano pa dao an saindong ama na nasa lagñit na matao kan Espiritu Santo sa magña naghahagad saiya?

MAKAGNAGNALAS NA PANUGA SA MGA CRISTIANO

43

Kapahayagan 21:4

Asin papahidon nia an gabos na luha sa saindang magña mata; asin an kagadanan madadai na; dai na sagkod magkakaigua nin pagmondo, ni pagtagñis, ni kolog: an magña enot na bagay nakalihis na.

I Pedro 4:12, 13

Magña namomotan, dai kamo mapagñalas dapit kan naglalaad na pagbalo dian sa saindo, na minadatong sa saindo sa pagbalo saindo, na siring baga sa may makagñagñalas na bagay na nangyari saindo: alagad huling

kamo kadamay sa magña kasakit-an ni Cristo, magogma kamo; tagñaning sa pagpahayag kan saiyang kamurawayan man, kamo magogma sa labilabing kaogmahan.

Isaias 66:2

An sakuyang kamot an naka-guinibo kan gabos na ining bagay, asin siring na an gabos na ining bagay nalalang, an sabi ni Jehova: alagad hihiligñon ko id-tong dukha asin maboot, asin pinagtatakigan nin huli kan sakuyang tataramon.

44 MGA PANUGA SA MGA PINAGTUTUKSO

Taga-Roma 8:28

Asin kita nakakaaram na sa magña namomoot sa Dios, an gabos na bagay nagtatarabang sa karahayan, sa sainda na magña inapod siring sa saiyang katu-yohan.

Salmo 34:19

Dakol nangayod an magña karatan nin banal: alagad sa karatan na iyan gabos ililigtas sia ni Jehova.

I Taga-Corinto 10:13

Dai nin sugot na nadatong saindo kundi an matatagal, sana nin tauo: alagad an Dios maimbod, na dai kamo itotogot na

masugotan nin labi kan maaagod nindo; kundi matao sia, kaiba kan sugot, nin luluasan, tagña-ning makatagal kamo.

Isaias 43:2

Kun ika magagui sa katubigan, yaon ako sa saimo; asin sa magña salog, dai ka masasanop kun ika sa kalayo, dai ka matotong, minsan an laad dai saimo mamakot.

II Taga-Corinto 4:17

Huli ta an samong kadikit na kasakitan na naagui sana, nakakaguibo sa samo nin sarong na-goorog kahalangkao, asin daing tapus na gabat nin kamurawayan.

Kapahayagan 3:5

An makadaog siring na gugubigñan nin magña gubing na maputi; asin dai ko sa anoman na paagui paparaon an saiyang gñaran sa libro nin buhay, asin mimidbidon ko an saiyang gñaran sa atubang nin sakong Ama, asin sa atubang nin saiyang magña angel.

Kapahayagan 3:12

An makadaog, guiguibohon kong harigue sa templo nin sakong Dios, asin sia dai na dian maluwas sagkod lamang: asin isusurat ko sa saiya an gñaran nin sakong Dios, asin an gñaran kan ciudad nin sakong Dios, an ba-

gong Jerusalem, na madatong hale sa lagñit hale sa sakong Dios, asin an sakong sadiring bagong gñaran.

Kapahayagan 3:21

An makadaog totogotan kong tumukao sa kaibahan ko sa sakong trono; siring na ako man nakadaog, asin tominukao sa kaibahan nin sakong Ama sa saiyang trono.

Kapahayagan 2:7

An igua nin taligña, magdagñog kan ipinagsasabi kan Espiritu sa magña simbahan. Sa makadaog, ako matao nin kakanon na hale sa kahoy nin buhay, na nasa Paraiso nin Dios.

46 AN TATARAMONG NIN DIOS MANONGOD SA DIBORSYO

Mateo 5:32

Alagad ako nagsasabi saindo, na an siisay man na bumulag kan saiyang agom na babae, na bako man dahil sa karaksotan, minaguibo saiyang parapasambay: asin an omagom kan baeng ibinulag nagkakasala nin pagsambay.

Taga-Roma 7:2, 3

Huli ta an babae na may agom nagagapos kan katogonan sa saiyang agom mantang an agom nabubuhay pa; alagad kun an agom magadan, sia ligtas na sa togon dapit sa agom. Kaya, kun sia, mantang an agom nabubuhay

pa, makisaro sa ibang lalaki, sia aapodon na parapasambay; alagad kun an saiyang agom magadan, sia ligtas na sa togon; kaya sia bako nang parapasambay minsan pa sia ikasal sa ibang lalaki.

I Taga-Corinto 7:10, 11

Alagad sa magña magaragom ako nagboboot, alagad bakong ako kundi an Kagurangnan: Na an babae dai bumulag sa saiyang agom. (Alagad kun sa kale bumulag sia dai sia magpaagom, ó kun dai, makiuli sia sa saiyang agom); asin na an lalaki dai bumaya sa saiyang agom.

AN IKADUWANG PAGDATONG NI CRISTO 47

Santiago 5:8

Magtios man kamo; parigona nindo an saindong magña puso: huli ta an pagdatong nin Kagurangnan harani na.

Juan 14:3

Asin kun ako magduman asin magandam saindo nin lugar, ako madigdi liwat, asin ipagiiba ko kamo; tagñaning kun saen ako, duman man kamo.

Marcos 8:38

Ta an siisay man na masopog dapit sako asin dapit kan sakong magña tataramon sa kapagarakian na ini na parasambay asin parakasala, an Aki nin tauo man masosopog dapit saiya,

kun pumadigdi na sa kamurawayan nin saiyang Ama kairiba an magña banal na angel.

Mateo 24:30

Asin dagñan matugña an tanda kan Aki nin tauo sa lagñit: asin dagñan magmomorondo an gabos na tribu sa daga, asin mahihiling ninda an Aki nin tauo na mapadigdi sa magña pagñanonon nin lagñit, na may kapangyarihan asin dakulang kamurawayan.

Kapahayagan 3:11

Ako madatong sa madale: pogolan mo an nasa saimo na, tagñaning dai nin siisay man na makakua kan saimong corona.

48 AN IKADUWANG PAGDATONG NI CRISTO

Mateo 16:27

Huli ta an Aki nin tauo mapadigdi sa kamurawayan nin saiyang Ama kaiba an saiyang magña angel; asin dagñan mabayad sa lambang saro nin kabagay kan saiyang magña guibo.

Guibo 1:11

Na sinda man nagsabi, Magña lalaking taga Galilea, tadao ta kamo nagtitirindog asin nagtaragñad sa lagñit? an Jesus na ini na kinua sa saindo pa lagñit mapadigdi siring kan saiyang paghale pa lagñit na nahiling nindo.

I Juan 3:2

Magña namomotan, gñunian kita magña aki na nin Dios, asin dai pa nahahayag kun kita maguiguin ano. Kita nakakaaram, na kun sia ipahayag, kita maguiguin siring saiya; huli ta sia mahihiling ta siring sa katunayan nia.

Kapahayagan 16:15

Uya, ako madatong siring sa mahabon. Paladan an nagpupuka, asin nagiigñat kan saiyang magña gubing, tagñaning dai sia maglakao na huba, asin mahiling ninda an saiyang kasopganan.

AN TATARAMON NIN DIOS

II Pedro 1:21

Huli ta dai nin hula na nagdatong huli sa kabotan nin tauo: kundi an magña tauo nagtaram hale sa Dios, huling pinasabgñan nin Espiritu Santo.

Salmo 119:105

An saimong tataramon ilauan sa sakuyang magña bitis, asin liuanag sa sakuyang dalan.

Salmo 119:11

Sa sakuyang puso rinimpos ko si saimong magña tataramon, gñaning day magkasala ako tumang sa saimo.

Mateo 22:29

Alagad si Jesus nagsimbag asin nagsabi sainda, Kamo nasa-

sala, sa dai pakasabot kan magña kasuratan, ni kan kapangyarihan nin Dios.

Lucas 21:33

An lagñit asin an daga makakalihis, alagad an sakong magña tataramon dai makakalihis.

Salmo 119:89

Sagkod lamang, oh Jehova, magdadamay an tataramon mo sa kalagñitan.

II Timoteo 3:16

An gabos na kasuratan na ipinasabong nin Dios pakikinabagñan man sa pagtokdo, sa pag-sagüe, sa pagpakarahay, sa pagpatood na nasa katanosan.

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

World Missionary Press, Inc.
P.O. Box 120
New Paris, IN 46553-0120 USA